

Chungkhar phaisa hmuhnak le hmanna Tuakchungnak

Na phaisa tuahtoning ttialnak

Phaisa hmuhnak le hmanna tuakchungnak cu zeidah a si?

Phaisa luhchuahnak tuakchungnak cu zeizat dah hmuhding ka ngeih i zeidi ah dah hman ka herh ti an hngalhtertu ca in ttialmi khi a si. Zeidi ahdah na hman ti kha an hngalhter peng.

Phaisa hmuhnak le hmanna tuakchungnak ah zeidah a um?

- ▶ Na phaisa hmuhnak - Phaisa zeizat dah hmuhding na ngeih khuazei in dah a luh lai (abiana ah, lahkah asilole Centrelink in)
- ▶ Na phaisa hmanna - phaisa zeizat dah na hman i khuazei ahdah na hman (abiana ah, bill na peknak, eidin le sianginn kaiman pawl)

Phaisa hmuhnak le hmanna tuakchungnak a sullam cu:

- ▶ na phaisa chuahnak hngalh khawh na zuam zungzal
- ▶ herhmi thil, rawl le bill tibantuk na cawk, na pek khawh hna
- ▶ lakruak thil le ruahlo in a herhmi thil caah timhtuahnak ngeih
- ▶ ahleice in a herhmi thil caah i khon
- ▶ chungkhar in phaisa hi zeitin dah kan hman lai ti tuaktan

Hngal Peng

- ▶ Phaisa hmuhnak le hmanna tuakchungnak cu zeizat dah hmuhding ka ngeih i zeidi ah dah hman ka herh ti an hngalhtertu ca in i ttialmi khi a si.
- ▶ Cu nihcun zeidi ahdah na hman ti kha an hngalhter peng.
- ▶ Phaisa hmuhnak le hmanna tuakchungnak hi san a tlainak lai nangmah nih na zulh a herh

Bawmhak le tamdeuh hngalh khawhnak

Phaisa kongah buaibainak na ngeih ahcun 1800 007 007 ah hin manlo Phaisa lei Fimchimtu chonh khawh a si.

Phaisa lei fimchimtu kong tamdeuh theih na duh asilole online in phaisa hmuhnak le hmanna tuakchungnak tuah na duh asiahcun MoneySmart website, www.moneysmart.gov.au ah hin zoh asilole 13 23 00 ah hin chawn law a tuahning kongah bawmh hal hna.



Phaisa hmuhnak le hmanna tuakchungnak hi na ca i san a tlaimi ah canternak

Atem le Arop cu supermarket i thil an cawk ah khan phaisa hmuhnak le hmanna tuakchungnak hi an rak ngei rih lo. An herhmi thil pawl kha cawk ding cazin ttialnak ah an i ttial hna asinain supermarket an phak cun hihi cawk ding a si i hihi cawklo ding a si ti i alnak caan a um ti lo. Arop nih cazin ah an i ttialmi tete lawng cawk a duh nain Atem cu an herhlo mi rawl pawl a hleiluat in cawk a duh.

Nikhat cu dawr ah an kal i, an cazin ah an ttiallo mi thil pawl mantthumh in an zuar hna caah an trolley chungah aa sanh ve hna. A man pek caan a phanhtikah a zate \$70 man a phan i Arop nih \$30 lawng aa ken fawn. Aman an pek khawh lo caah ningzak ngaingai in a hlei in a lakmi rawl pawl cu supermarket ahcun a chiahtak tthan hna.

Zeitin dah kan tuah lai ti an i ceih i, supermarket ah hin zarhkhat ah zeizat man in dah thil kan cawk khawh lai ti an hngalhnak lai phaisa hmuhnak le hmanna tuakchungnak tuah dingin bia an chah. An biachah mi cu an zulh. Hiti an tuah i an ngeihmi phaisa nak tamdeuh in trolley chungah ah thil an sanh ti lo caah ningzah an i huah bal ti lo.

This page has been intentionally left blank.